

APELACIONI SUD BRČKO DISTRIKTA
BOSNE I HERCEGOVINE
Broj: 97 o P 000385 10 Rev
Brčko, 06.12.2009.godine

U IME BRČKO DISTRIKTA BOSNE I HERCEGOVINE !

Apelacioni sud Brčko Distrikta Bosne i Hercegovine, u vijeću sastavljenom od sudija, Lucić Josipe kao predsjednika vijeća, Tešić Dragane i Nedić Srđana, kao članova vijeća, u pravnoj stvari tužitelja I. Ž. iz B. zastupanog po punomoćniku Z. M. advokatu iz B., protiv tuženog Brčko distrikta BiH zastupanog po Pravobranilaštvu Brčko distrikta BiH, radi izvršenja ugovora, odlučujući o reviziji tužitelja izjavljenoj protiv presude Apelacionog suda Brčko distrikta BiH broj 097-o-Gž-06-000027 od 24.01.2007. godine, na sjednici vijeća održanoj dana 06.12.2009. godine donio je, slijedeću

P R E S U D U

Revizija tužitelja I. Ž. iz B. S. U. u pogledu odluke o zakonskim zateznim kamatama sadržane u presudi Apelacionog suda Brčko distrikta BiH broj 097-o-Gž-06-000027 od 24.01.2007. godine, pa se ista presuda PREINAČAVA u dijelu kojim je tuženi obavezan da tužitelju na iznos od 7.680,00 KM zakonsku zateznu kamatu plati počev od 26.04.2005. godine do dana isplate, tako da se tuženi obavezuje da zakonsku zateznu kamatu na iznos od 7.680,00 KM plati od 27.11.2003. godine, kao dana podnošenja tužbe pa do isplate, u roku od 15 dana od dana prijema presude, pod prijetnjom prinudnog izvršenja.

U ostalom dijelu presuda Apelacionog suda Brčko distrikta BiH broj 097-o-Gž-06-000027 od 24.01.2007. godine ostaje neizmjenjena.

O b r a z l o Ź e n j e

Presudom Apelacionog suda Brčko distrikta BiH broj 097-o-Gž-06-000027 od 24.01.2007. godine, koja je u ovoj pravnoj stvari donesena nakon što je rješenjem od 16.10.2006. godine žalba tuženog izjavljena protiv presude Osnovnog suda Brčko distrikta BiH broj P-592/05-I od 21.10.2005. godine usvojena i prvostepena presuda ukinuta te odlučeno da Apelacioni sud održi glavnu raspravu saglasno odredbi člana 296. Zakona o parničnom postupku Brčko distrikta BiH, tuženi je obavezan da tužitelju, na ime naknade sredstava uložениh u adaptaciju poslovnog prostora-diskoteke „F.“ u B. isplati iznos od 7.680,00 KM sa zakonskom zateznom kamatom počev od 26.04.2005. godine pa

do isplate, kao i da tuženi tužitelju naknadi troškove postupka u iznosu od 855,00 KM, sve u roku od 15 dana od dana prijema presude, pod prijetnjom prinudnog izvršenja, a sa viškom tužbenog zahtjeva tužitelj je odbijen.

Protiv ove presude tužitelj je izjavio reviziju pa je revizijsko vijeće Apelacionog suda presudom koju je donijelo 17.12.2007. godine pod brojem 097-0-Rev-07-000010 reviziju tužitelja odbilo jer je ocijenilo da je presuda od 24.01.2007. godine donesena bez bitnih povreda odredaba postupka na koje je tužitelj ukazao u reviziji i pravilnom primjenom materijalnog prava kako u odluci kojom je sud tužbeno traženje našao osnovanim u iznosu od 7.680,00 KM tako i u odluci o obavezi plaćanja na dosuđeni iznos zakonskih zateznih kamata od 26.04.2005. godine do isplate, jer je 26.04. 2005. godine vještačenjem utvrđen iznos od 7.680,00 KM kao iznos za koji se u vrijeme vještačenja mogu uraditi radovi po zapisniku od 30.07.1994. godine.

Protiv odluke revizijskog vijeća, broj 097-0-Rev-07-000010 od 17.12.2007. godine, tužitelj je podnio apelaciju pa je Ustavni sud BiH odlukom broj AP-755/08 od 22.11.2010. godine, utvrdio da je navedenom presudom Apelacionog suda Brčko distrikta BiH povrijeđeno pravo tužitelja na imovinu iz člana II/3. k) Ustava BiH i člana 1. Protokola br. 1. uz Evropsku konvenciju o zaštiti ljudskih prava i osnovnih sloboda, a u odnosu na početak toka zakonske zatezne kamate i ista presuda je ukinuta u dijelu kojim je odlučeno o zakonskim zateznim kamatama te predmet vraćen revizijskom vijeću, da po hitnom postupku, u ukinutom dijelu donese novu odluku.

Slijedom odluke Ustavnog suda BiH, odnosno utvrđene povrede prava apelanta (tužitelja) na imovinu kada je presudom revizijskog vijeće Apelacionog suda Brčko distrikta BiH broj 97-0-Rev-07-000010 od 17.12.2007. godine prihvaćen stav drugostepenog vijeća Apelacionog suda iz presude 097-0-Gž-06-000027 od 24.01.2007. godine da je tuženi tužitelju na dosuđeni iznos od 7.680,00 KM dužan platiti zakonsku zateznu kamatu od 26.04.2005. godine kao dana izvršenog vještačenja, a ne od dana podnošenja tužbe kako je to tužitelj i tužbenim prijedlogom i u postupku tražio, revizijsko vijeće Apelacionog suda je na osnovu odredbe člana 39. stav 2. Statuta Brčko distrikta BiH („Službeni glasnik Brčko distrikta BiH“ broj 17/08) i člana 434. Zakona o parničnom postupku Brčko distrikta BiH („Službeni glasnik Brčko distrikta BiH“ broj 8/09) ispitalo pobijanu presudu u odluci o dosudi zakonskih zateznih kamata, u granicama propisanim odredbom člana 313. Zakona o parničnom postupku Brčko distrikta BiH („Službeni glasnik Brčko distrikta BiH broj 8/00, 1/01, 5/02, 8/03, 19/07 i 2/08).

Obzirom na utvrđenu povredu prava tužitelja na imovinu revizijsko vijeće je ocijenilo osnovanom tvrdnju tužitelja u reviziji da je materijalno pravo pogrešno primjenjeno kada je istom na dosuđenu materijalnu štetu zakonska zatezna kamata dosuđena od 26.04.2005. godine, kao dana izvršenog vještačenja.

Naime, pravilnom primjenom odredaba članova 186. i 277. Zakona o obligacionim odnosima uzimajući u obzir iste zajedno, zakonsku zateznu kamatu treba dosuditi na naknadu materijalne štete od dana nastanka štete, kada se šteta smatra dospjelom. Međutim, kako je tužitelj, koji inače disponira svojim zahtjevom u sporu, u ovom sporu tražio da se zakonska zatezna kamata dosudi od dana podnošenja tužbe (a sud saglasno odredbi člana 2. Zakona o parničnom postupku Brčko distrikta BiH odlučuje samo u granicama zahtjeva koji su stavljani u postupku) to je revizijsko vijeće odlučilo kao u izreci, odnosno tuženi je preinačenjem presude Apelacionog suda Brčko distrikta BiH od 24.01.2007. godine u odluci o dosudi zakonskih zateznih kamata obavezan da tužitelju na dosuđeni iznos od 7.680,00 KM zakonsku zateznu kamatu plati od 27.11.2003. godine kao dana kada je tužitelj podnio tužbu protiv tuženog u ovoj pravnoj stvari.

Sa navedenih razloga, ocjenom da je revizija tužitelja osnovana u odnosu na odluku o dosudi zakonske zatezne kamate sadržanu u presudi Apelacionog suda Brčko distrikta BiH broj 097-0-GŽ-06-000027 od 24.01.2007. godine odlučeno je kao u izreci ove presude, a primjenom odredbe člana 323. Zakona o parničnom postupku Brčko distrikta BiH.

PREDSJEDNIK VIJEĆA

Lucić Josipa